

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd Saraseni sub Mauiae reginae ipsorum imperio, Mosen quendam
monachum, tum pietatis tum fidei singularis hominem sortiti episcopum,
se Christianae fidei addixerunt. Cap. XXIX.

urn:nbn:de:hbz:466:1-12704

SOCRAT. HISTOR.

Romano sua sponte inseruire, eius mandata exequi statuerunt. Quæ cum Valenti erant nunciata, ille minimè quid inde futurum videretur, animo prospiciens, iubet supplices misericordia complecti: inque hac re una se clementem ostendit. Itaque quasdam partes Thraciae illis præscribit ad incolendum, seq; ea de re fortunatum esse censet. Sic enim cogitabat se ex illis exercitum paratum instructumque contra hostes habiturum: quinetiam Barbaros custodes multo plus terroris, quam Romanos, hostibus incussuros. Et ob eam causam de cætero in milite Romano augendo cœpit esse negligentior: atque adeo veteranos milites, qui in bello viriliter & magno animo dimicare norant, penitus contépsit: pro militibus autem qui ex prouinciis vicatim colligi solerat, pecuniam exegit, iussitq; ut pro singulis militibus octoginta aurei exigenterent, idque cum illos antea tributo leuasset. Hæc quidem origo & causa fuit, cur res Imperij Romanorum ad aliquod temporis spatiū parum prospera succederent. Nam Barbari, occupata Thracia, & prouincia Romanorum cum securitate possessa, res adeo secundas ferre nesciuere, sed contra Romanos, qui tanta beneficia in eos contulerant, arma capere, omniaq; loca ad Thraciam spectantia vastare cœpere. Quibus rebus ad hunc modum confectis, Valentiq; nunciatis, destitut ab illis in exilium mittendis, qui fidem Consustancialis amplexabantur. Nisi in rebus dubijs perplexisq; constitutus, confessim Antiochia relieta, Constantinopolim ire perrexit. Ob quam causam persecutionis incendium contra Christianos ibi excitatu, penitus restinctum est. Eodem tempore Euzoios, qui sedes Arianæ Antiochiae episcopus fuit, extremum vitæ diem fecit, ad quintum consulatum Valentis, Valentiniani autem junioris primum: in cuius locum Dorotheus suffectus est.

*Quod Saraceni sub Maior reginæ ipsorum imperio,
Mosen quendam monachum, tum pietatis tum fidei singularis hominem fortiti episcopum se Christianæ fidei addixerunt.*

CAP. XXIX.

Vbi Imperator Antiochia decesserat, Saraceni, qui erant antea populi Romani socij & fœderati, iam tuni deficere,

ficere, & muliere quadam, nomine Mauia, duce (cuius vir iam è vita discesserat) bellum contra eos gerere cœperunt, Itaque omnes Romanorum prouinciae versus orientem illo tempore fuissent à Sarasenis penitus vastatae, nisi illorum conatus diuina quadam prouidentia compressi fuissent. Causa autem talis fuit. Moses quidā genere Saracenus, qui in solitudine monasticum viuendi genus traducebat, propter eximiam pietatem, constantem fidem, & miracula ab eo edita, fama atque omnium sermone celebratus fuit. Istum Mauia Saracenorum regina suę gentis episcopum designari à Romanis postulauit, atq; ea lege bellum restinguere, fœderaq; cum illis facere pollicita est. Quibus auditis, duces Romani bene secum agi putabant, si ea conditione pax constitueretur. Abiecta igitur omni cunctatione, illud confici precipiunt. Moses itaque eductus è solitudine, Alexandriā, vt illuc sacerdotij dignitatem caperret, deductus est. Vbi verò Moses ad Lucium, qui ibi tum præfuit ecclesiis, aduentauit, illius repudiauit designationem: sicque illum est allocutus. Ego quidem meipsum sacerdotij dignitate indignū existimo: sed tamen si hæc res videatur ex vsu Reipub. fore, tu, Luci, manus mihi nequaquam impones. Tua namque dextera cæde & sanguine redundant. Ac Lucio ad illum vicissim dicenti, non oportere ita contumeliis ipsum afficeret, sed discere potius ab ipso religionis dogmata, respondet Moses: at iam non dogmatum ratio queritur, sed facinora tua contra fratres edita, quæ plane conuincunt te vera Christianæ fidei dogmata omnino nō habere. Nā Christianus non percutit, non obrectat cuiquam, non pugnat: quippe seruus domini pugnare non debet. At tua facta per eos, quos in exilium expuleris, quos bestijs obieceris, quos igni cremandos tradiſteris, tanquam voce emissa contra te loquuntur, certioraq; habent indicia quæ oculis cernuntur, quæ quæ accipiuntur auribus. Ista aliaq; id genus, cum Moses dixisset, eius necessarij illum ad montem quendam deducunt, vt ab illis, qui ibi exulabant, crearetur Episcopus. Moses itaq; hoc modo tum designato Episcopo, bellum Saracenorum extintum est. Mauia autem sic deinceps pacem cum Romanis seruauit, vt filiam suam duci Victori desponderet. Sed de Saracenis hactenius,

Quod